



N misera hac peregrinatione inter duos felicis, & infelicis æternitatis fines positi, fere in omni gressu ab utroque aliquid participamus, *Venerabiles Fratres & Filii dilectissimi!* nec tristibus sua deest gaudendi materies, & gaudiis insunt, qui pungant aculei: Sapientissimo DEI Opificis Consilio, ut & præsentis vitæ nimium amorem temperet ejus amaror; & futurorum præmiorum spem, suppliciorumque æternorum metum assiduo foveat eorum umbra, & velut quidam præsens, mira hæc tristium, lætorumque permixtio. Eam rerum humanarum legem cum in omnibus rebus & eventibus quotidie sentimus; tum sâne perquam manifeste palpo ego in solemni hoc meo ad Ecclesiam istam ingressu. Etsi enim

mire delectet me felix Vester conspectus, *Venerabiles Fratres & Filii dilectissimi!* exultemque gaudio, quod tot, & tam nobilium membrorum caput consti-
tuar; occurrunt tamen in ipso limine non leves cau-
sæ, quæ gaudium hoc meum vehementer perturbant.
Ut enim jam præteream, quam acerbum mihi sit,
avelli ab Ecclesia Agriensi, primū Matre, postea
Nutrice, & Altrice, demum Sponsa mea dilectissima:
profecto locus hic ipse, in quo stamus, nunquid mœ-
rori nobis sit, quando indecoro Matris apud filiam
inquinatu, vivam antiquæ calamitatis & tristissimi il-
lius exilii imaginem oculis nostris repræsentat? Me-
tuo, ne in nos ceciderit lugubre coronati Vatis ma-

Psal. 68. ledictum: *fiat habitatio eorum deserta, & in taberna-
culis eorum non sit, qui inhabitet.* Etiamnum gemens

Hier. 4. clamat Mater vestra: *Tabernaculum meum vastatum
est, Filii mei exierunt a me;* forsan & illud: *filios
enutrivi & exaltavi, ipsi autem spreverunt me.* Su-
spirare quidem certe potest: *heu mibi, quia incolatus
meus prolongatus est: multum incola fuit anima mea.*

Equidem non sum tam hebes, ut ignorem, in
omni loco dominationis ejus benedicendum esse Do-
minum, cuius est terra & plenitudo ejus; nec id ta-
men me latet, multum momenti habere, sive ad oble-
mine illi sufficiunt multi materiali us occan-

ctandum , sive etiam ad juvandum prima incunabula,
Patrum nostrorum natalibus clara, vestigiis trita , re-
ligione consecrata , imo non sine peculiari Divino in-
stinctu, Sancto, ac DEI Spiritu regi solito Fundatori
indicata. Etiam veteris Testamenti cultoribus, qui-
bus, teste Apostolo , omnia *contingebant in figura*,
præcepit DEUS: *perges ad locum, quem Dominus* ^{1. Cor.}
DEUS tuus elegerit, ut ibi invocetur nomen ejus. ^{10.} Deut. ^{17.}
Non enim poteris immolare phæse in qualibet urbium
tuarum, quam Dominus DEUS tuus daturus est tibi; ^{16.} Deut.
sed in loco, quem elegerit Dominus DEUS tuus, ut
habitet nomen ejus ibi. Multa etiam in ipsa natura
sunt, quæ nisi natali solo reddita, parum, aut nihil,
vel certe non nisi exquisita arte, & industria fructi-
fificant.

Sed dolor hic , licet justus , multis ipsa diu-
turna ægrotandi consuetudine factus est insensibi-
lis ; quos vero adhuc tangit, medicos eos habere ne-
quit, nisi peculiari DEI miserationis dono ad eam di-
gnationem elegantur. Quod enim Davidi, Viro se-
cundum cor DEI, negatum fuit, non temere quivis
sperare debet, se electum esse , ut ædificet Domum
Domino. Facile etiam pia id genus studia nanci-
scuntur adversarios , qui, sicut Israelitis a captivitate

Babylonica reducibus, reparandarum Templi ruinarum obices potentes ponant. Prius igitur quam sanando huic dolori nostro consilia & manum admoveamus, audiam, quid loquatur in me Dominus, qui,

Psal. 88. nisi ædificaverit Domum, in vanum laboraverunt, qui ædificant eam. Precor autem Te Domine: memor esto opprobrii servorum tuorum! qui dixisti, & facta sunt omnia, dic, me ædificare Templum in monte Sancto tuo, & in civitate habitationis tuæ altare, similitudinem Tabernaculi Sancti tui, quod præparasti ab initio. Tunc filii tui surgent, & egredientur de terra hac, revertentes in terram nativitatis suæ. Colligent dispersos lapides Sanctuarii, ædificabunt deserta, & ruinas antiquas erigent: annunciarunt justitiam tuam in Ecclesia magna, & in templo tuo omnes dicent gloriam.

Atque prima hæc mordax cura satis minuit diei hujus meæ lætitiam: succedit alia longe gravior, ac periculosior, quam de vivis DEI Templis ædificandis suscipere me opportet. Caput enim nostrum Christus dedit Pastores, & Doctores ad consummationem Sanctorum, in opus ministerii, in ædificationem Corporis Christi. Campus operandi aperitur mihi amplius, quamlibet fortes lacertos vel sola electi frumenti messe fatigare aptus: Si præterea oculos conjiciam in spinas, & tribulos, in lolium, & zizania, quæ inimicus homo su-

per-

perseminavit, quanto magis imbecillitatis meæ conscientius sum, tanto graviore eum colendi metu percellor.

Est tamen, sicut cæteris incommodis omnibus, etiam huic metui admixtum aliquid lætæ spei. Primum quidem erigit me voluntas vocantis DEI, *a quo omnis sufficientia nostra est*, qui *dat bonum velle*, & *perficere*: non deseret sperantem in se: operi manuum suarum porriget dextram: sublevor deinde fiducia cooperationis Vestræ, *Venerabiles Fratres*, & *Filii dilectissimi!* quos in partem solicitudinis Nostræ DEUS tam numerosos, tantisque animi, studii, & fortunæ bonis instructos vocavit. Satagite tantum, ut vocatione Vesta digne ambuletis, & ut *obedientia Vesta in omnem locum divulgata*, honorificetis ministerium meum, in quo *legatione fungor pro Christo*.

Vos in primis *Consistorium sacrum*, utor voce S. Ignatii Ep. & M. Consiliarii, *Assessores* mei, vel, ut D. Hieron. vocat, *Senatus meus, cætus Presbyterorum*, quibus jam cana Ecclesiæ disciplina pulchrum & venerandum a *Canonibus*, seu sacris regulis nomen dedit: Vos, inquam, etiam atque etiam hortor, oro, & obtestor, per adventum Christi, per Regnum ejus, identidem cogitate nomen, quod geritis, ut ejus mensuram scientia & opere impleatis. Quo viciniores sedi meæ, & tremendo Tabernaculo adsistitis, quo amplio.

plioribus honorum titulis, fortunæque bonorum adju-
mentis ornamini, eo arctius obstricti estis, ut meam
pro amplissimo grege isto solicitudinem, & paterna
tuendi, ornandique Ordinis nostri studia consilio,
opera, impendio, omni denique cura, industria, ac
diligentia adjuvetis. Princeps omnino cura Vesta
fit, ut diligentes decorem Domus Domini, studeatis
ornare locum, in quo victimas DEO offertis, & ho-
locausta, hæcque tanta religione, modestia, devotio-
ne, ac fervore offeratis, vt & ipse *exaudiat de cælo*
preces vestras, & obsecrationem, divitiasque bonita-
tis suæ in nos effundat; & Clerus inferior, univer-
susque populus, exemplo Vestro ad DEUM in spiri-
tu & veritate adorandum, ad Sancta sancte, mun-
de, reverenter, frequenter, & ferventer tractanda
accendatur. Hæc in templo; domi, forisque videte,
ne quid in vita, moribusque vestris sit, quod pusil-
los offendat; imo nihil, quod non omnium fidelium
animos ad DEI timorem & amorem, ad fugam & hor-
rorem vitiorum, & amorem virtutum, ad contem-
ptum transitoriorum, & desiderium æternorum invi-
tet, accendat, ut omnis turba eorum, qui vos vi-
dent, vel audiunt, *percutientes pectora sua revertan-*
tur. Vos estis presbyteri, in populo DEI, & ex vo-
bis pendet anima illorum. Ante omnia autem mutuam

in

in vobis met ipsis *charitatem habete.* *Filiis sapientiae,* Matth.
ecclesia iustorum, & natio illorum obedientia & dile-
cio. *Omnis Civitas, vel domus divisa contra se, non*
stabit. Amantissimi Servatoris & Magistri nostri di-
vina vox est: *ex hoc cognoscemini, quod discipuli mei*
sitis, si dilectionem habueritis ad invicem. Porro
charitas patiens est, benigna est, non emulatur, non
inflat, non agit perperam, non querit, quae sua sunt,
omnia credit, omnia sperat, omnia sustinet.

Etsi tamen hæc omnia feceritis, munus ve-
strum, in quo tam decore, & commode statis, haud
implebitis, nisi una in rebus hierarchicis, in forma
difficillimi huius Regiminis mihi consilio & auxilio
esse studueritis. Itaque pro mensura donationis Chri-
sti, in lege Domini meditemini die ac nocte: Scripta
Sanctorum Patrum, & eos sacros Canones, quibus
morum disciplina, Ecclesiæque recte gubernandæ ra-
tio continetur, diligenter evolvite: horum ductu fre-
quenter cogitate ea, quæ ad fidei, & disciplinæ
Christianæ integritatem, puritatem, & tutelam faciant;
quæ ad morum corruptelas extirpandas, Christiana-
rumque virtutum amorem implantandum, ad regnum
Christi ampliandum & firmandum: ad tyrannidem mun-
di, carnis, & Dæmonis exuendam: ad erigendum,
ornandumque Ordinem nostrum, & in eo honoran-

dum Christum, *pro quo legatione fungimur*, servire possint. Et cum hæ præcipuæ curæ meæ futuæ sint, quidquid ad eas excitandas, juvandas, ac promovendas conferre poteritis, non solum fidelis, liberoque consilio, & opera indefessa, sed, quando spiritualia siue temporalium adminiculo non procedunt, etiam horum liberali impendio eo promptius præstate, quod cum admodum pauca sint, quæ calamitosis, an senio frigescientibus ? his Sæculis aliunde præstolemur, id genus subsidia; tum sane quam maxime deceat, etiam necesse sit, ut *Patrimonium Christi, panem pauperum, pretia peccatorum* (his enim reditus nostri continentur) non carni, & sanguini, non gulae vel ambitioni, seu quibuscumque corruptorum sensuum illecebris, sed divinissimis illis vñibus impendamus, si olim tremendo Judici, hæc quoque talenta cum vñuris exacturo, facilem rationem reddere velimus.

Non minus præsidii a Vobis exspecto, *Filius dilectissimi*, qui per amplissimam hanc Domini Vineam dispersi, portatis pondus dñi, & æstus. *Passite non vos, sed qui in vobis est Gregem Domini, forma facti Gregis ex animo.* Audeat quivis vestrum vñibus suis dicere: *imitatores mei estote, sicut & ego Christi.* Procul a moribus vestris sint omnia, quæ qualcumque avaritiæ, ambitionis, aut carnalis, sensualisque voluptatis notam redolere, fœtoreque suo

populum DEI afflare possent: exulet hypocrisis & simulatio, quæ & DEO odibilis est, nec homines diu fallere potest; studete autem, vt vita vestra sit instar speculi in alto positi, ad cuius aspectum grex Domini gressus suos in via mandatorum Domini componat. Exemplis probitatis addite Verbi Divini, & Sacramentorum pabulum: idque non solum scite, & perite, quod diligente sacrarum disciplinarum studio assequemini, ministrate, sed etiam frequenter, ac ferventer, ad quod incentivo sit Vobis propria status vestri conditio, dignitas animarum, pretio magno redemptarum, amor gloriae DEI, qui *sic dilexit mundum, ut Filium suum unigenitum daret*: denique severa ratio reddenda Pastorum Pastori Christo JESU, cum ad judicandum venerit, *vt reddat unicuique secundum opera ejus.*

Hæ ipsæ spes meæ Te quoque respiciunt *Pubes Sacra*, quæ in civitate hac sedes, donec imbuaris virtute ex alto. *Rigabo hortum meum plantationum,* Eccli 24. & *inebriabo prati mei fructum.* Vos autem Charissimi, per gratiam DEI enitamini, ut sitis terra benedicta & sacerdotalis, quæ rorem cœli avida excipiat, & ex eo germinet in herbam virentem, in herbam amœno odore suo totum hunc, qua latet, patet, agrum meum impleturam. *Terra enim sape venientem super* Hebr. 6.

se bibens imbrem, & germinans herbam opportunam illis, a quibus colitur, accipit benedictionem a DEO; proferens autem spinas & tribulos, reproba est, & maledicto proxima, cuius consummatio in combustionem. Confidimus autem de vobis dilectissimi meliora, & viciniora saluti, tametsi ita loquimur. Ne vero spem nostram fallatis, primum communia militiae Christianæ, deinde peculiaria vestra, qui Ducum partes obibitis, officia identidem pensate: impedimenta & adjumenta discite: illa alacres abjicite, fugite; hæc magno studio comparete. Concupiscentia carnis, cupiditas opum, & superbia vitæ, seu appetitus inordinatus propriæ excellentiæ, triceps cerberus est, contra quem una cum grege vobis credito subinde dimicandum erit: his igitur per fidem, spem, & Charitatem Divinam, per studium Evangelicarum beatitudinum domandis, ac vincendis jam nunc adfuescite; ne postea cæci cæcis, claudi, ac debiles languenti, & erranti plebi ducatum præbeatis. Huc tendant studia vestra omnia, huc crebræ ad DEUM preces, sine quo nihil potestis facere. Orate frequenter: Domine! ostende mihi finem meum, ut sciam, quid desit mihi.

Ita multa & magna sunt adjumenta, quæ ad levandam pœneque abstergendam solicitudinem meam mihi polliceor, a vobis Senes & juniores Ordinis mei

Viri,

Viri, qui Ecclesiam hanc sanctam mira varietate circumdatis, ornatis & regitis; sed nondum finis spei, gaudiique mei. *Pulchra es dilecta mea! Equitatui meo in curribus Pharaonis, assimilavi te amica mea.* Sicut turris David collum tuum, quæ ædificata est cum propugnaculis: mille clypei pendent ex ea, omnis armatura fortium: restat adhuc nobilissima Subsidiariorum cohors, Religiosi variorum Ordinum Viri, in nostrum & vestrum, *Fratres charissimi*, adiutorium tam sua professione, quam Ecclesiæ, ipsorum instituta probantis, voto destinati. Genus electum! date Operam, ut & vocationi vestræ, & spebus nostris respondeatis. Quanto arctiore votorum vinculo ad perfectionis Christianæ studium stringimini, tanto solertius vigilate, ne quæ cupiditatis, vanitatis, fastus, ambitionis, seu cuiuscunque dissolutionis exempla populo DEI præbeatis: magis fatagite, ut privatim & publice, verbis & exemplis, Christi bonus odor effecti, trahatis Ecclesiam fidelium ad fervens religionis studium, ad DEI timorem & amorem, ad mortificationem internam & externam, ad contemptum temporalium & desiderium, curamque æternorum. Vel hæc privata religiosæ vitæ officia, & exempla quotidianis, modo ex corde puro pro Ecclesia sancta DEI fusis Orationibus vestris conjuncta,

magno nobis in rebus & curis nostris erunt præsidio; adjicite his sancta Hierarchici Ordinis, cui in subsidium inserti estis, officia, & nihil erit, cur in multa hac messe de operiorum paucitate queramur. Curate tamen, ut officia ista reverentur, ac devote, scite, ac perite, non turpis lucri gratia, sed DEI, & proximi amoreobeatis: postea, ne invitis his, quos *Spiritus Sanctus posuit Episcopos regere Ecclesiam DEI*, aliquid attentetis. Nec in sæculi militia injussu Ducis arma expedire licet; & Athletis Christianis per ostium intrandum est. Petri navim, cum copiosam piscium multitudinem concluderet, socii ex alia navi non alias, nec prius juverunt, quam ubi, & quando illi annuerunt. Nec cœlestis Paterfamilias aliis sub vitæ vesperam denarium dabit, quam quos antea ad operandum vocavit: *ite & vos in vineam meam.* Credite Charissimi, nunquam vos quantumvis zelosa vestra opera compensaturos damna, quæ propriæ voluntatis ductu, hierarchicique ordinis neglectu, in Ecclesiam DEI irrepare facillime possunt. Subsidiarii vestri conatus, & labores Ecclesiæ DEI, animarumque saluti omnino sunt commodi, sunt perquam utiles; sed conservatio hierarchiæ Ecclesiasticæ, ut loquuntur Patres Tridentini in Spiritu Sancto congregati, *divinitus institutæ*, est simpliciter & absolute necessaria in Ecclesia,

fia, quæ debet esse sicut castrorum acies ordinata. Nolite a me expectare, ut utile necessario præferri finam. Cæterum quidquid a privata mea benevolentia, aut a publica officii mei ratione, & autoritate sive in tutelam, & præsidium, sive in commodum & ornementum vestrum proficisci uspiam poterit, omne id tam promptum paratumque vobis apud me erit, quam vos Sanctæ vocationis vestræ studiosos, & in meum meorumque adjutorium expeditos fore cognovero. Id unum monitos vos, & rogatos velim, ne injuriam vestram interpretemini ea mea studia, quibus aut disciplinæ Ecclesiasticæ observantiam pro munericis mei ratione urgebo, aut jacentem Ordinem meum erigere, ornare, & ad officii sui exercitium reducere studebo. Adjutores ejus cum sitis, omnia ipsius commoda & ornamenta magisterio sinceræ Charitatis vestra esse existimate, & quo plus ille curarum suarum portaverit, eo minus subsidiarii fatigii vobis relinqui gaudete.

Jam in Te, Magne DEUS, desino, qui fragilitati meæ hæc adjumenta largiris. *Neque qui plantat, neque qui rigat, est aliquid, sed Tu, qui incrementum das DEUS.* A Te sunt Sancta desideria, recta Consilia, & justa opera. Dirigere, Sanctificare, regere, & gubernare digneris sensus, sermones & actus nostros in lege tua, & in operibus mandatorum tuorum, ad laudem & gloriam Sancti, ac terribilis nominis tui pro-

movendam, & ad exaltandam Ecclesiam tuam, quam
acquisivit Filius tuus Sanguine suo. Ad id impetrان-
dum immolabo Tibi Sacrificium laudis, hostiam pu-
ram, hostiam sanctam, hostiam immaculatam, illum
ipsum Filium tuum, qui se Tibi in ara crucis pro fa-
lute nostra obtulit. Pater! respice in faciem Chri-
sti tui. Ne finas pretium Sanguinis ejus in nobis pe-
rire! Hic est Filius tuus dilectus, in quo Tibi bene
complacuit. Per ejus merita, per Sanguinem, passio-
nem, ac mortem, mitte Spiritum tuum Sanctum de
coelis, Spiritum Sapientiae, & intellectus, Spiritum
Consilii & fortitudinis, qui illuminet, vivificet, roboret
Sensus & Corda nostra, ut & quae agenda sunt,
videamus, & ad agenda, quae viderimus,
convalescamus. Amen.

